




陕西省图书馆藏书	
书号	D634.370
馆藏	12851

00619

存



上

初五

尚南縣鄉土志

歷史

本境古梁州域也魏景明元年初置邑名曰南商後廢為商縣之層峯驛明成化十三年巡撫原傑奏請分商縣以東地置商南縣始建城於層峯驛尋徙沐河西即今治也

唐

屬梁州

虞

屬梁州

夏

屬梁州禹貢華陽黑水為梁州而本境在其內焉

商

屬梁州封皇帝二十五子之昆孫於商因名曰商高

周

屬梁州

秦

商鞅封內地

西漢

商縣地屬上洛元鼎四年屬弘農郡

魏

上洛地屬弘農郡

後魏

屬襄和郡景明元年初置商南於層峯驛即今之皂角鋪

後周

上洛地屬洛州即今之商州

隋

商洛縣地屬上洛郡

唐

屬閩內道

五代

商洛地

宋

商洛地屬永興軍路

金

上洛縣地

元

商州地屬章元軍路

奉

明

洪武七年降商州為商縣而本境為商縣地成化十三年陞商縣為州析州之東南為商南縣隸西安府

國朝

屬商州

政績錄

盜息訟清足現經濟民懷士仰端賴循良商邑彈丸僻壤無治譜之可徵然考之斷簡殘碑詢之鄉人父老政績昭著者代不乏人爰書於左而德惠及民者庶不致湮沒不彰也

明

鄭瑛成化十三年巡撫原傑奏陞商縣為州析州之東南境為商南縣由商縣來官本境時初置邑築城鑿池興學校招流亡一切政務皆以實心任之民勞而不怨功賴以成商邑之有保障公<sup>之</sup>居多也

郝宗儒嘉靖元年來官本境下車伊始即詢民間疾苦以城垣狹小拓之使大勸農課桑實心愛民至今稱循吏焉王舜民能吏也嘉靖三十九年來官本境相地之高下修築渠堰灌東閔南坪地二百餘畝並改建四城門猶善聽訟民不敢欺

方本清萬曆七年本官本境城垣向係土築狼蟲盜賊不能阻其出入公莅斯土甃以磚石城垣鞏固民賴以安

國朝

陳遇主順治初年來官本境時方苦盜民不聊生開荒墾建砦壘興利除弊商民從此稍裕焉

盧英湖廣天門人康熙十三年莅任十四年吳三桂遣偽將軍湯入寇屯商商本彈丸小邑公以忠義勵民竭力死守次年城陷捐軀殉難商民今犹感泣焉

苗永茂康熙十九年官本境時兵燹之餘戶口凋殘人民  
瘠苦公招集流亡善為撫綏商民德之

宋廣業江南人自湯逆陷城後元氣未復公康熙三十三年  
莅任修城垣建敵樓勸民種桑飼蠶農人家貧者給種糧士  
民依之如父母去任時商民攀轅下泣立祠祀之以報其德  
蔡名輔康熙四十二年來官本境兵燹之後衙署破漏不  
堪公以衙署為臨民之所捐廉創修籌設義學以教子弟  
勸課農桑以裕貧民商民之知禮義我公之力居多也

章應璧浙江會稽人康熙四十五年官本境時土寇魏學吳由維  
南入商公激厲士民固守城垣遣鄉勇於捉馬漢一帶嚴加  
防禦寇不敢近民賴以全

程瓚康熙五十五年來商嘗曰官民如家人父子之親方於地方  
為益推誠御下政簡刑清公餘親履阡陌與父老講究種植  
翔望宣講

聖諭在任八載頑梗之民化良善後卒於官士民感泣如喪父母馬  
楊毓芳雍正初年任商因地制宜百廢俱舉猶善聽訟  
去任時士民勒為去思碑

羅文思四川合江縣人乾隆十一年官本境善聽斷民不敢欺

文章政事冠絕一時今之縣誌即出公手

錢廷琛嘉慶初年官本境時白蓮教作亂公督率鄉勇勦撫兼施修養濟院以恤鰥寡講學勸農寬嚴並濟士民立生祠祀之

趙繼芬江南人咸豐末年蒞任即豁免一切陋規同治元年髮逆入境一日數警公繕具守城與士民同甘苦商民至今德之

夏宏江同治初年蒞任慈惠愛民嘗謂士為四民之首士習一端風俗即厚恒集諸生講學子務以德化民商民德之至今猶稱頌焉

趙宜煊貴州人同治初年官本境民間賣炭一担被巡役抽取十餘觔貧民苦之公首革除此弊居官清廉猶善折獄後退休卒於商士民泣

涕如喪父母今墳墓在商商民猶祭掃焉

王敬鑄山東人光緒元年蒞任即捕緝外來土匪張總明置之以法以除民害二三年大旱野無青草捐廉辦賑全活甚眾

黃修健廣東人光緒十八年任商直爽有氣節喜與諸生講學察奸摘倭儼如神明大嶺觀佃戶數十家爭地涉訟經年不休公以善言開導勸其息訟歸農去任後士民立碑頌功並紀其事

張繩祖甘肅人光緒二十六年來商是秋亢旱成災開倉賑救日無間隙復謂濟貧即以保富勸諭富民捐糧助賑除暴安良外匪聞名不



敢入境交卸後在商養病病痊去商士民相送出境者數百人  
李丙歛甘肅人光緒二十八年莅任甫下車即嚴拿痞棍懲治賊盜一清親  
民愛士持已清廉四民德之

### 兵事錄

兵者國家之大事也本境創自前明為秦隴咽喉雖彈丸小邑數被兵戎  
爰紀其事庶官斯土者於鳴琴治邑之餘存荷戈講武之心乎

明崇禎六年流寇橫行狼奔由山西入商據武關四條嶺為險要分  
兵寇鎮安山陽商南防將都司解文英兵敗城遂陷

崇禎八年流寇復犯商南經畧洪承疇遣曹文韶來援賊由竹林  
闖奔興安

國朝順治二年正月闖賊李自成屯營於本境馬鞍山後聞官兵  
將至遂入楚

康熙十四年吳三桂遣偽將軍湯入寇屯軍於本境之東崗及永安  
寨等處知縣盧英率民兵固守次年九月寇攻隘城垣盧英  
死難

康熙四十五年冬月土匪魏學吳由雒南入商邑宰章應壁遣鄉  
勇扼守捉馬溝皂角舖等處匪由清油河赴徐家店沿丹江而下  
據大嶺觀為險把總王進才與賊戰被執初誘之使降後挾之以威

進才不屈被賊害之

嘉慶初年本境之馬槽溝江朋二姓潛入白蓮教黨愚民多附之  
暗約中秋節入縣城被江姓之媳洩其事邑宰錢廷琛督紳民守  
城派鄉勇捕緝江朋二姓置之法時被誘入教者甚多錢公復請  
兵防守勦撫兼施其黨遂平

同治元年正月髮逆四眼狗擁眾數萬由荆紫關入本境大嶺觀三  
官廟雙廟嶺等處數十里均係賊壘穆統領督兵接戰於三角池  
官軍敗績死傷數十人穆統領越嶺逃走賊由鷄公峪過失馬寨清  
油河拒武關譚何二營官率兵躡其後至四條嶺西與賊接戰全

軍要隘法則先大嶺遂入各邑

同治元年八月擄首張樂行姜汰陵與偽扶王陳得才等分三路入秦  
荊州將軍多忠勇公督師未援大破賊於荆紫關姜酋率賊五六萬  
犯商南多公建大旂於山林以為疑兵誘賊於縣西鄉之庫家  
溝俗名禱  
福溝無出路官兵緊躡其後賊落巖墜澗自行踐踏死者  
不計其數姜酋僅以身免商境肅清商民立有功高德懋殄寇  
救民碑以紀其事

同治三年三月擒匪由漢中南竄取道竹林關沿丹江而下擄掠婦  
女財物邑廩生田現龍程孟潔率鄉勇堵截接仗於本境普峪河石埡

子眾寡不敵俱亡於陣賊由青山馬蹄店盤踞大嶺觀數日始入河南

### 耆舊錄

本境斗大一城代名流亦無著述然十室之邑必有忠信一鄉之望即樹儀型更有昭節烈於鄉閭舍生取義勵堅操於閨閫視死如歸其為裨於世道人心也大矣考彼懿行以為後學之勸云

周術字元道秦始皇時人修道潔己動必以義避秦苛政偕妻子隱居城北之雙峯

亦名向山

因號向里即四皓之一也漢高

聞其賢微之不起茹紫芝以終老

南 鐘明成化時進士由吏部主事升河南布政使公正不阿因忤劉僅繫獄得釋遷太僕寺卿致仕歸里友愛諸弟啟睦姻族鄉里稱之今崇祀鄉賢祠

李三讓明天啟初徇賊李文興等入境三讓率子侄鄉勇拒賊受傷身死

事詳邑志

現崇祀忠義祠

高其志號向山

國朝人順治甲午舉人山西夏縣知縣在官則公正廉明歸里則

則睦嫻任恤後學之儀刑也

事詳邑志

魏淑度康熙時人敦樸無華風度端嚴不隨世俗為俯仰真

士林之矜式也

王官字雲生天性孝友敬謹自持六世同居遠近皆知其名

事詳  
邑志

祁世澄歲貢生嘉慶時人公正不阿人不敢干以私喜與後生講學

循之善誘嘗謂學者不在根本上用功即文章冠絕一時亦不

足重故教人必以孝弟為先學者皆景慕焉

潘翊宸號向峯歲貢生道光時人聰穎能文善岐黃術主講青

山書院多士景從每以忠信廉恥激勵士民鄉人化之

魏廷藻邑廩生本境西南鄉焦家原人同治元年六月髮逆  
入境遇數十賊於邑之丹水着逃難老弱前行隻身力拒

殺賊數人賊眾齊上攢殺之

周日貴邑西鄉之農人也同治元年三月遊寇城內見賊犯邑西

關義勇勃發率十餘人抬槍負炮出城堵禦闕殺一賊賊

眾稍退乃一人前追賊圍執而鸞割之

宋昌蓮邑監生同治元年八月拾酋擾境奉諭帶團率鄉勇堵

截要隘與賊接仗力竭謂陣亡族姪啟發同時遇害

程孟潔邑庠生同治三年三月髮逆由漢中竄回路過本境奉

飭帶領鄉勇堵截南鄉要隘與賊接仗眾寡不敵力竭陣亡

田現龍邑庠生同治三年率鄉勇防禦南鄉賊由竹林関沿丹江直下至普峪河分道至石碾子與賊接仗身中數槍力

### 竭陣亡

侯李氏邑廩生侯肅之妻肅死無子嗣上事舅姑下撫嗣子井白自操紡績不輟孝慈之名聞於鄉里今崇祀節

孝祠

事詳  
邑志

周陳氏周大菁未婚妻曾陳氏曾九兒未婚妻也同治三年姐妹入山避賊均為賊擄賊牽一馬強姐妹同騎入賊營行之山畔乃給之曰山路窄狹將纏授我賊授纏未竟突然提纏勒馬姐妹俱墜巖死賊亦落巖下矣有人有詩吊之曰同根姊妹花齊落一樣幽冥路共歸

李祁氏儒童李恭修之妻恭修未娶即病故氏欲往奠孀姑力阻另擇配悲泣不食親族勸慰不聽赴恭修墓所痛絕復甦遂於懷中取櫛塚旁梳頭矢志在李門守節撫堂姪善誘為己子歷冬艱辛心如鉄石巾幗中不數覲也

朱余氏朱鴻儒之妻子歸五月鴻儒病故上有垂白孀姑下有幼穉夫弟即於鴻儒柩之前剪髮立誓以表堅貞叔復繼歿阮痛夫叔早夭又恐禋祀無繼擇族姪為嗣以承宗祧上奉孀姑以孝聞下

撫嗣子以慈著鄉鄰稟請

旌表建坊以彰其德

袁蔡氏民人袁志高之妻邑南鄉人同治元年髮逆犯境悉眾搜山賊逼近婦身抗節不污拒賊大罵為賊所殺

周何氏周子芝之妻髮逆竄擾恐被賊擄忿激自縊

部有才之妻韓氏偕孀母盧氏同治三年三月登山避賊賊追及逼令下山自度不免污辱並投危巖而死

劉詹氏附生劉步錢之妻同治元年三月遇寇猝至恐受賊辱

飛巖殉節

人類

本境皆屬漢人無他種類民風醇樸奉公守法澆漓之俗均為本境所無也

戶口

本境自兵燹後戶口凋殘近年潮見繁盛蒸蒸日上然有起色矣

本境編戶九甲四十三保共一萬二千二百四十戶

男四萬四千二百六十六丁

女四萬二千五百四十二口

氏族

本境僻在山陬均係零星小戶亦無世代名流地方瘠苦有以致之也

### 宗教

本境士風醞正向宗孔教近因鄰風封設有教堂漸有入他教之人矣

### 實業

士壹千壹百六十四

農一萬一千七百二十

工二千八百九十八

商九千五百八十五

### 地理

本境東鄰豫西界州南通楚北鄰豫必名山大川多崇山峻嶺為關隴之咽喉控豫荆之門戶省東南之第一瘠區也

邑在省城之東南距省五百七十里

舊治五百四十里

距商州二百七十里

舊治二百五十里

東至河南浙川縣界四十里西至四條嶺商州界五

十里南至湖北鄖西縣界二百七十里北至河南盧氏縣界

四十五里東南至月兒灣浙川界九十五里西南至山陽縣

界一百三十里至湖北鄖西縣界二百五十里東北至界牌河

南盧氏縣界五十里西北至雒南縣界四十三里

本境舊治共九甲十七地今分為四十三保

永安寨 城西十里東界縣城西界失馬寨南界韓家山北

界西北山今分為上下二保上保有捉馬橋捉馬溝鎮古稱宋太祖祖捉馬處

有社廟一處下保有堯家店鎮皂角鋪鎮即古層峯驛有韓文公

亭韓女墓新縣橋

失馬寨 城西二十里古稱宋太祖失馬處東界永安寨西界清油河南界白

家川北界西北山今分為上中下三保中保有失馬寨鎮閔帝廟

初等小學堂一處古有新潭橋今無

清油河 城西三十里東界失馬寨西界壩場寨南界韓家山

北界壩場寨今分為上中下三保中保有清油河鎮閔帝廟

初等小學堂一處下保有白家川有初等小學堂一處古傳

宋太祖於清油河遇魯正恩用為將初正恩祚油謀生河

因以名焉

壩場寨 城西三十三里東界清油河西界商州南界清油河

北界雒南縣今分為上下二保有三官廟一處

在城保 東界摩峪河西界永安寨南界保合寨北界北山

城內有文廟城隍廟城外有閔帝廟忠臣廟祖師廟娘娘

樓龍王廟城內有高等小學堂一處初等小學堂三處東門



古有永安橋普惠橋東五里有板橋高橋石橋今俱無焉

保合寨 城南二十里東界生龍寨西界韓家山南界青山寨北界  
在城保今分為上下二保下保有沐河寺雙廟嶺三角池鎮娘娘樓  
有初等小學堂一處

摩峪河 城東二十五里東界生龍寨西界在城保南界生龍寨  
北界東北山今分為上下二保上保五里鋪鎮有火神庙初等  
小學堂一處下保富水關鎮即古陽城驛有閔帝廟禹王  
宮初等小學堂一處

生龍寨 城東南三十五里東界河南浙川縣西界保合寨南  
界川縣北界富水關今分為上下四保上保有赤地鎮油坊

嶺藥王廟有初等小學堂一處下保有桑樹街吉亭街界牌

青山鎮<sup>寨</sup> 城南四十里東界生龍寨西界韓家山南界梳洗樓地界保

合寨今分為上中下三保上保青山鎮有泰山廟初等小學堂一處  
寨之南古有堯夫橋今無焉中保有耀嶺河鎮佛爺廟初等小  
學堂一處下保有馬蹄店鎮新廟

梳洗樓 城南九十里東界河南浙川縣西界丹水南界浙川縣北界

青山保內有三官廟打鼓洞<sup>即古小嶺關</sup> 大嶺觀<sup>即古大嶺關</sup> 有初等小學堂

二處古名獅犀樓今訛獅為梳犀為洗

韓家山城西南四十里東界保合寨西界畢羅灣南界上八甲北  
界清油河今分為東西五保內有普峪河鎮徐家店鎮索峪河  
帝君廟五聖公廟

畢羅灣城西南九十里東界韓家山西界呂家灣南界湘河北  
界商州今分為東西四保內有瓦坊灘鎮江西溝鎮觀音碓廟  
有初等小學堂一處

呂家灣城西南百里東界畢羅灣西界姚家灣南界千家  
坪北界商州今合為梁家灣保有太吉河鎮梁家灣鎮太  
子坪鎮有初等小學堂一處社廟四處

姚家灣城西南一百二十里東界梁家灣西界商州竹林關南  
界千家坪北界商州武關內有社廟二處

湖湘河城南一百八十里東界梳洗樓西界湖北鄖西縣南  
界鄖陽府北界趙家川今分為上中下四界內有湓河  
初等小學堂一處中八甲初等小學堂一處寺庄初等小  
學堂一處龍門有湘河街石佛寺關帝廟鉄佛寺祖師  
廟三官廟汪家店鎮

趙家川城南二百四十里東界店坊河西界西縣南界鄖  
西縣北界千家坪今分為上下二保內有趙家川鎮關帝廟

北山東西三保 城北五里東界摩峪河西界永安寨南界在城保  
北界盧氏縣西北山有大王廟雙峯寺古太素館漢角里先生隱處山  
產紫芝古呼為角山芝東西交界兩岔河有初等小學堂一處惟北  
路舊治未詳今畧叙焉

山

龍山 城東一里與虎山對峙自地蜿蜒高聳狀如龍蟠

虎山 城西一里蹲踞如虎較龍山更為高聳兩山對峙相隔里許縣  
河流其中焉

官山 城北一里方正厚重為學官縣治後脉

界嶺 城北四十五里屬北山保內嶺勢雄狀登眺高遠縣河即發源  
於其下向西南流

寡山城西三里屬永安寨保內相近為鷄公峪孤峯獨立無山與爾偶  
因名焉

分水嶺 城西十里屬永安寨保內嶺有水東西分流故名焉

陡嶺 城西二十里屬失馬寨保內往來要衝嶺有樓閣

孤山 城西二十五里屬擱場保內與卅壤相錯清油河南流於此下焉

千丈山 城西北五十里接雒南界屬西北山保內與角山並峙高不可量

四條嶺 城西五十里屬擱場保內東南至清油河二十里連橫四嶺險

陡高峻與商州接壤

商洛山 城南二里屬在城保內

雙廟嶺 城南三十里屬保合寨保內北至縣河十里南至青山河十里

吐霧山 城南七十里屬韓家山保內其峯高峻天將雨則有霧起故名

近有丹水遶其下自西而東南流焉

大嶺 城南八十里屬梳洗樓保內發脈於角山為楚豫錯壤其山縱橫

數十里西距丹水十餘里南距丹水十里

馬鞍山 城南百里屬梳洗樓保內楚豫交錯樹有鉄旗杆相傳賊

屯營於此故名

青山 城南四十里屬青山保內道通荆襄山色蒼秀經歲如常青

山河自東而西流於其下焉

筆峯山 青山之右壁立萬仞形銳如筆為縣治之案山

魚難山 城東南八十里屬生龍寨保內山下有水崖高數十丈摩峪河

逕流於其下自東北而東南流以出本境焉

龍王山 城東二十五里屬富水鎮內下五里摩峪河自北而南流

雙峯山 城北四十里屬西北山保內又名角山古角里先生隱處山形聳

秀如筓雙峯並峙發脈於終南山連秦嶺為官山龍山虎山之祖

下有四山凹縣河即發源於此自北而西南流

水

丹水 城西南四十里發源商州西冢嶺之息邪澗黑龍峪過藍

田南流注之又東洪門河為韓峪河南流注之又東南泥峪河合蒲盆溝

東北流注之又東過熊耳水道河分大荆川西荆川南流會於上板橋與

泉水潮流同為兩河至雷家洞始入本境距城西南一百二十里至呂家灣受武閔

河又東流受清油河西至魏家灣折而南流至徐家店受縣河又東流

至普峪河口受青山河又折而東南流至耀嶺河口受耀嶺河又東南

流至湘河口受湘河至梳洗樓出本境距城南九十里入河南浙川縣計丹水入雷家洞出浙川

流本境二百二十里本境惟丹江河可通舟楫自梳洗樓以上可行小船載米八十九石自浙川

縣以下可行大船載米二十石

沐河 即縣河發源盧氏之界嶺與田山南流五十里入本境距城北十五里又南

流至兩岔河東西北山二水相合又南流經縣東門外至二道河五里鋪河西流注之

又西南流至石門党家店河南流注之又南流至三角池寶子河西流

注之又折而西南流至馬家灣索峪河南流注之至徐家店入本境丹水

共行境內八十五里

寶子河 其源有二發源本境之赤地距城東南三十五里一發源本境之十里鋪距城東十里

西流至双河口二水合流又西流至三角池入縣河約行境內二十餘里

索峪河 城西七里源出本境西北山馬家崖南流三十里入縣河

商河 城西南八十里一名囚河東流入丹水 今無可考

湘河 城西南百里發源商州境至范家山入本境流九十里東入丹江

箔河 城西南四十里源出本境西南索凹溝之龍潭東流五十

里入本境湘河

淄河 城西南百七十里發源鄖陽界自西南入本境逕賢水大竹園

又入鄖陽境過秦家漫南華鎮東流一百五十里入河南浙川境注於丹江

富水河 城東二十五里一名摩峪河發源河南盧氏之界嶺自東北入本

境 距城東北七十里 南流至富水關六十里逕生龍寨又東流三十里出本

境 距城東南六十五里 入河南浙川之淇河

清油河 城西三十里源出雒南花樟坪自西北入本境 距城西北九十里 納武關以

東之水南流三十里至清油河鎮又南流三十里至徐家店入本境丹水

靳家河 發源於本境西北五十里之靳家溝 距城西北七十五里 南流二十五里過失馬

寨又南流十里入本境清油河

狄坪河 發源於本境汪家店北狄坪溝 距城南一百三十里 南流東注梳洗樓之馬鞍

山丹水約行境內二十餘里

陳溪河 發源於本境西南之龍眼溝 距城南二百里 向東北流逕趙家川寨

子下入淄河約行境內三十餘里

道路

治東渡縣河逾五里鋪至十里鋪十里又東至茶坊十里又東渡摩塔河至富水關五里又東至桑樹十五里與陽氣嶺支路會其支路由陽氣溝西行至赤地十五里又西行至油坊嶺十里又西行至三角池十五里會南北正路本路由桑樹又東行五里至界牌出本境與河南浙川屬之西坪鎮接壤

治西過党家店與鷄公峪支路會其支路南行至石門十里會南北正路本路由党家店西行至五里牌五里又西行逾分水嶺至皂角鋪五里又西行過捉馬溝至失馬寨十里又西逾陡嶺渡清油河十里與團保支路會其支路西北行逾後灣至團保街十里又行至界牌十里出本境交雒南路本路由清油河西行至一條嶺十里又西行逾二條嶺三條嶺至四條嶺十里出本境交商州界與武洄路接壤

治南行渡縣河至石門

西會鷄公  
塔支路

又南行渡縣河過沐河寺至三角池十里

東會陽氣  
嶺支路

與普峪河支路會其支路西行至凉水井十里又西至普峪河十

里會西南正路本路由三角池渡寶子河南行至雙廟嶺十里又南行逾西黃土嶺至青山街十里與青山河支路會其支路自青山河沿溪而西下出普峪河口共三十里與西南正路會本路由青山微東南行逾東黃土嶺至馬蹄店十五里與新廟支路會其支路東南行至新廟十五里又行至碾子嶺十里又行至金斗溝十里沿河南下至金斗

溝口二十里出本境交河南浙川路本路由馬蹄店向南行逾南溝  
石梯子至三官廟十五里又南行過打鼓洞至小嶺觀十里與紅魚  
河支路會其支路向西南行至紅魚河口十五里沿丹江北上渡丹水  
至湘河街五里入湘河口南行至治河口十里又入治河至窟嶺唐里  
又行至寺庄十里又行至魏家台十里又行至高廟嶺十里又行至松  
樹坪八里又行至石堰河十里又行至店坊河十里又行至趙家川  
十五里又行至曬水台十二里又行至分水嶺十五里出本境交  
湖北鄖陽界本由小嶺觀又南行至大嶺觀十里又南行至梳  
洗樓十里出本境交河南浙川路為荆襄入陝之通衢

治北行逾土地嶺至兩岔河十里分東北西北兩路東北路自兩岔  
河至老庄十里又行三岔河十里又行至界嶺十里出本境與  
河南盧氏接壤西北路自兩岔河至福田坪五里又行至牽  
馬嶺十里又行至曹家營十里又行至界嶺十里出本境  
接河南盧氏縣路

治南行至張家崗十五里又行渡縣河至小金峪五里又行逾瓦  
窰崗至涼水井十里過小栗園至普峪河十里

東合三角池支路折西  
南合青山河支路 又

行過空山閣至徐家店十里分西南兩路南路至徐家店對面渡丹水入  
規水溝至太平庄十里又南行至鹽家溝十里又行至梭子棚又行至木



子窪十五里又行至草窪五里又行至壯子溝十里又行至江池嶺十五里又行至娘娘山十五里又行至梁家坟十里又行至東馬峪十里又行至十里坪十五里又行至峭沙河十五里又行至鄧家庄二十里又行至任家庄十五里又行過三里窪至分水嶺五里出本境接湖北鄖西縣路

西路由徐家店逾皮狐嶺渡丹水至柳樹灣十五里

以上均沿丹江西南上行

又行至瓦房

灘五里又行過觀音碓至江西溝街十里又行至水溝口十里又行至寺

灣十里又行至太吉河十里又行至梁家灣十五里又行至姚家灣五里

又行至雷家洞十五里出本境接商州竹林園為入山陽鎮安之通衢

### 物產

土地廣生各有攸宜東南竹箭青苧麻絲皆足以利民用而昭物采邑

居深山峻谷物產無多取材者鮮即動植蠶三者之生成與三者之製衣

造就本境所有者爰舉數端以覘地利之不匱云

天然產

製造產

動物

動物製造

蠶 常產

絲在本境製造亦有運出他境者

牛 常產

牛皮均在他境製造

羊 常產

羊皮均在他境製造

狐 常產

狐皮均在他境製造

植物

植物製造

棉花常產

布在本境製造僅能織家機粗布亦不成莊

漆樹大宗

漆均行銷他境製造

竹麻大宗

火紙均屬本境製造

鑛物

鑛物製造

沙金

常產五鑛內惟有沙金餘俱無

沙金均在他境製造

商務

物產繁則富庶興製造廣斯場暢苟能多錢善賈自可待價而沽  
邑彈丸蕞爾無通都大邑盡僻壤山僻凡日用所必需者即本境所  
產之物所製之品未足抵制外來之半也

漆水運銷行湖北等省陸運銷行河南山東等省每歲約十萬觔上下

棉均銷行本境每歲約出一千觔上下

絲水運銷行老河口等處陸運銷行南陽府等處每歲約出五百觔有奇

火紙水運銷湖北等處陸運銷行本省及本境等處每歲約十萬觔上下

牛羊皮水運銷行河南湖北等處每歲約三千觔上下

狐皮陸運銷行本省每歲約數十張之譜

桐油水運銷行湖北等處每歲約五千觔有奇

木油水運銷行湖北等處每歲約三千觔上下

漆油 水運湖北等處每歲約出二千觔有奇

白布 水路湖北陸路河南每歲運入本境約銷行五千疋有奇

色布 水運川廣兩路每歲銷行本境約二千疋有奇

棉花 水路湖北陸路本省每歲運入本境約銷行五千觔上下

鹽 陸路由山西及潼關龍駒寨等處每歲運入本境約銷行

陸萬觔有奇

糖 水路川廣兩處每歲運入本境約銷行三千觔上下

菸 路陸鄖陽府荆紫關西坪等處運入本境每歲約銷行三千觔上下

